

漢魏六朝百三家集

揚侍郎集

江苏工业学院图书馆
藏书章

揚侍郎集題辭

劇秦美新諛文也後世勸進九錫皆
權輿焉元后誅哀思文母盛譽宰衡
猶然美新豈有周人申后之思乎予
嘗疑子雲耆老清靜王莽之世身向
日景何愛一官自奪立守班史作傳

亦未顯訾其符命之作傳聞真僞尚在龍蛇間或者莽善誑耀頌功德者遍海內莫不高三皇巍五帝子雲美新猶頗醞藉鮮醜孟堅讀而不怪也法言世貴太玄後顯並輔六經而行河東甘泉長楊羽獵四賦絕倫自比

諷諫相如不死逐貧賦長於解嘲釋
愁送窮文士調脫多原於此十二州
二十五官箴虞書魯頌之遺也酒箴
滑稽陳遵見而拊掌甯讓淳于髡說
酒哉

婁東張溥題

揚侍郎集目錄

賦

太玄賦

逐貧賦

甘泉賦

羽獵賦

長楊賦

河東賦

上書

諫不受單于朝書

書

答劉歆書

答桓譚書

與桓譚書

答茂陵郭威書

設難

解嘲

解難

頌

趙充國頌

箴

冀州牧箴

兗州牧箴

青州牧箴

徐州牧箴

揚州牧箴

荊州牧箴

豫州牧箴

益州牧箴

雍州牧箴

幽州牧箴

并州牧箴

交州牧箴

光祿勳箴

衛尉箴

太僕箴

廷尉箴

大鴻臚箴

宗正箴

大司農箴

少府箴

執金吾箴

將作大匠箴

城門校尉箴

上林苑令箴

司空箴

太常箴

尚書箴

博士箴

酒箴

箴補

潤州牧箴

太史令箴

太樂令箴

大官令箴

國三老箴

司命箴

符命

劇秦美新文 有序

連珠

連珠二首

誄

元后誄

文

太玄攡

難蓋天八事

騷

反離騷

序傳

目序傳

附錄

傳贊

揚侍郎集目錄終

揚侍郎集卷全

漢蜀郡揚雄子雲著

明太倉張溥天如閱

賦

太玄賦

觀太易之損益兮，覽老氏之倚伏。省憂喜之共
門兮，察吉凶之同城。皦皦著乎日月兮，何俗聖
之暗燭。豈愒寵以冒災兮，將噬臍之不及。若飄
風不終朝兮，驟雨不終日。雷隆隆而輒息兮，火

猶熾而速滅，自夫物有盛衰兮，況人事之所極，
奚貪婪於富貴兮，迄喪躬而危族，豐盈禍所棲，
兮，名譽怨所集，薰以芳而致燒兮，膏含肥而見
炳，翠羽燬而殃身兮，蚌含珠而擘裂，聖作典以
濟時兮，驅蒸民而入甲，張仁義以爲綱兮，懷忠
貞以矯俗，指尊選以誘世兮，疾身沒而名滅，豈
若師由聃兮，執玄靜於中谷，納僞祿於江淮兮，
楫松喬於華岳，升崑崙以散髮兮，踞弱水以濯
足，朝發軔於流沙兮，夕翱翔乎碣石，忽萬里而

一頓兮，過列仙以託宿。役青要與承戈兮，舞馮夷以作樂。聽素女之清聲兮，觀宓妃之妙曲。茹芝英以禦餓兮，飲玉醴以解渴。排閭闔以窺天庭兮，騎騏驎以蜘蛛。載羨門與儷游兮，永覽周乎八極。

亂曰：甘餌含毒，難數嘗兮。麟而可羈，近犬羊兮。鸞鳳高翔，戾青雲兮。不掛網羅，固足珍兮。斯錯位極，離大戮兮。屈子慕清，葬魚腹兮。伯姬曜名，焚厥身兮。孤竹二子，餓首山兮。斷跡屬婁，何足

揚傳直集 卷全 二
稱兮。辟斯數子。智若淵兮。我異於此。執太玄兮。
蕩然肆志。不拘攣兮。

逐貧賦

揚子遁世。離俗獨處。左鄰崇山。右接曠野。鄰垣
乞兒。終貧且窶。禮薄義弊。相與羣聚。惆悵失志。
呼貧與語。汝在六極。投棄荒遐。好爲庸卒。刑戮
是加。匪惟幼稚。嬉戲土砂。居非近鄰。接屋連家。
恩輕毛羽。義薄輕羅。進不由德。退不受呵。久爲
滯客。其意謂何。人皆文繡。余褐不完。人皆稻粱。